

Welcher gestalt Sein Excel-
lentz Graff Moritz die Statt vnd
Schloß Meurs einnimbt/ geschehen
den 16. Augusti Anno
1601.

Die Meurs lag ein Conpantey von den Hanen
federn wie man sie nennet / des Fürsten von
Cleue. Aber Graff Moritz maste sich der Graff-
schafft an/wegen einer Donation/ so die letzte Gräfin
Walpurgin gethan/sandte darumb dahin den 6.
Augusti den Reittmeister Cloet vnd den Colonell
Edmond mit 12. Fahnen Reuttern/aber die Garni-
son wolte nit abweichen/darumb dann Graff Mo-
ritz des andern Tags selbst mit 25. Fahnen Reutter
vnd 35. Fähnlein Fußvolck / auch vier halben Car-
tonen darfür kommen / wie aber die Garnison der
Statt solches gesehen / haben sie die Statt Graff
Moritzen vbergebē/welcher Garnison darein gelegt
vnd ordnung angestellt wie das Casteel zu stercken/
vnd fünf Dollwerck zu legen/welches gekostet hat/
vber hundert tausent Gilden/vnd den 12. Augusti/
ward im mit gebürlichen Ceremoniē als ein Lands-
herrn/gehuldet : Gleichfals thet er auch mit Kra-
ckaw/ vnd legt daran vber acht vnd zwensig tausent
Gilden an arbeit/darinn vber tausent Mann gehal-
ten worden/ also daß diese zwey Orter starck befesti-
get/vnd wie es darfür gehalten ward / keiner
Gefahr zu besorgen hetten/ es were dann
in einem gansen trucknen
Sommer.

Gräff Mo-
ritz nimpt.
Meurs ein
vnterckets.

41

Warhaf